

आकाशवाणी

- प्रधानमंत्री नरेन्द्र मोदी होर अज्ज नमीं दिल्ली दे भारत मंडपम च विकसित भारत युवा नेता संवाद 2025 च हिस्सा लेंगन।
- भारत अधिकारिक आंकड़े दी जानकारी लेई बिग डाटा ते डेटा साइंस पर संयुक्त राष्ट्र दे माहिरें दी समिति च शामिल होई गेआ ऐ।
- बीजेपी नै दिल्ली विधानसभा चुनां लेई 29 मेदवारें दी अपनी दूई सूचि जारी करी दित्ती ऐ।
- शिव सेना उद्धव ठाकरे गुट दे सांसद संजय राउत होरें घोषणा कीती जे उंदी मकामी निकायें दे चुनां इक्कले लड़ोग।
- देहरादून च अज्ज पैहले अंतर्राष्ट्रीय उत्तराखड़ी प्रवासी सम्मेलन दा आयोजन कीता जा'रदा ऐ। मुख्मन्त्री पुष्कर सिंह धामी होर एहदा उद्घाटन करगंन।
- बीसीसीआई नै 22 जनवरी थमां इंग्लैंड खलाफ होने आली टी-20 श्रृंखला लेई भारती टीम दी घोषणा करी दित्ती ऐ।



UN-Data Science

भारत, आधिकारिक आंकड़ें दी जानकारी आस्तै बिग डेटा ते डेटा साइंस पर संयुक्त राष्ट्र दे माहिरें दी समिति च शामिल होई गया ऐ। भारत हुन आधिकारिक सांख्यिकीय मकसद आस्तै बिग डेटा ते डेटा साइंस दा इस्तेमाल करने च वैश्विक मानकें ते सरबंधी चीजें गी आकार देने च योगदान देग। सांख्यिकी मंत्रालय नै इक बयान च आक्खेआ ऐ जे माहिरें दी इस समिति च भारत दा शामिल होना देशै दे सांख्यिकीय पारिस्थितिकी तंत्र आस्तै महत्वपूर्ण गें ऐ। मंत्रालय नै दस्सेआ ऐ जे माहिरें दी समिति च देश दी सक्रिय हिस्सेदारी, डेटा इनोवेशन लैब दी स्थापना ते वैकल्पिक डेटा स्रोतें दी खोज सनें इस दे जतनें गी उजागर करोग।

संयुक्त राष्ट्र दे माहिरें दी एह समिति बिग डेटा दे लाह ते चुनौतियें दी जांच आस्तै बनाई गेई ही, जेह्दे च सतत विकास लक्ष्यें पर निगरानी ते रिपोर्टिंग दी क्षमता शामिल ऐ।



PM-Sonamarg Tunnel

जम्मू-कश्मीर लेई इक महत्वपूर्ण पैहलकदमी दे तैह्त प्रधानमंत्री नरेन्द्र मोदी होर औंदी 13 जनवरी गी बड़े मते सामरिक महत्वै आहली 6 किलोमीटर 400 मीटर लम्मी सोनामर्ग सुरंग दा उद्घाटन करडन। प्रधानमंत्री हुंदे दौरे शा पैहले समूलचे खित्ते, खासकरियै श्रीनगर ते मध्य कश्मीर च सुरक्षा सरबंधी हीले निग्गर करी दित्ते गे न। 2 ज्हार 700 करोड़ रुपें दी इस परियोजना कन्नै श्रीनगर ते सोनामर्ग बश्कार पूरे ब'रे हर रूतै च सिड़क संपर्क दी सुविधा उपलब्ध होग ते कन्नै मुकामी कारोबार ते सैलसफा गी बी बढावा थ्होग। इस परियोजना कन्नै श्रीनगर ते लेह बश्कार सफर दा समें बी घटोग ते एह इलाकाई ढांचागत विकास ते संपर्क दे लेहाज कन्नै खित्ते च इक ऐतिहासिक गैह साबत होग।



HM Drugs

केन्द्री गृहमंत्री अमित शाह होरें आखेआ ऐ जे पिछले 10एं ब'रें च नशीले पदार्थें गी जब्त करने च 7 गुणा बाद्धा होआ ऐ। उनें आखेआ जे प्रधानमंत्री नरेन्द्र मोदी हुंदी अगुवाई च नशे खलाफ लड़ाई व नमीं ताकत हासल होई ऐ। कल नमीं दिल्ली च नशा तस्करी ते राष्ट्रीय सुरक्षा सरबंधी क्षेत्रीय सम्मेलन दी अध्यक्षता करदे होई शाह होरें आखेआ ऐ जे पिदले 10एं ब'रें च 56 ज्हार 8 सौ करोड़ रुपे शा मते दे मुल्ल आले नशीले पदार्थें गी नश्ट कीता गेआ ऐ। उनें अग्गे आखेआ जे मुल्खै च नशे दी रोकथाम सरबंधी ब्यूरो ते पुलसै नै नशाखोरी खलाफ कारवाई कीती ऐ जेह्दे कन्नै युवाएं ते समाज गी नशा मुक्त भविक्ख आली बक्खी मजबूती थ्होई ऐ।



BJP

बीजेपी नै दिल्ली विधानसभा चुनां लेई अपने 29 मेदवारें दी दूई सूचि जारी करी दित्ती ऐ। साबका विधायक कपिल मिश्रा होरें गी कराबल नगर, हरीष खुराना होरें गी मोती नगर ते प्रियंका गौतम होरें गी कोडली विधानसभा सीट लेई चुनां मैदान च तोआरेआ गेआ ऐ। प्रियंका गोतम हाल च गै बीजेपी च शामिल होइयां न। एह्दे शा पैहले जारी लिस्ट च बी पार्टी नै 29 मेदवारें दे नाएं दी घोशणा कीती ही।

<><><><><><><>

Shiv Sena

शिवसेना उद्धव ठाकरे गुट दे संसद संजय राउत होरें घोषणा कीती ऐ जे उंदी पार्टी मुंबई, ठाणे, पुणे ते नागपुर दे नगर नियमें सनें मकामी निकाय दे चुनां इक्कले लड़ोग। कल मुंबई च पत्रकारें गी जानकारी दिंदे होई संजय राउत होरें आखेआ जे पार्टी गी अपनी ताकत गी आपूं परखने दी लोड़ ऐ ते इसै करी पार्टी प्रमुख उद्धव ठाकरे होरें इनें इलाकें च बिजन कुसै गठबंधन दे चुनां लड़ने दा सुझाह दित्ता।

<><><><><><><>

Uttarakhand

अंतर्राष्ट्रीय प्रवासी उत्तराखंडी च आयोजित कीता जाग। दिन भरै लेई चलने आले इस कार्यक्रम दा उद्घाटन मुख्मन्त्री पुष्कर सिंह धामी होर करगंन। 19 मुख्खें दे 60 कोला मते प्रवासी उत्तराखंडिएं शिखर सम्मेलन च हिस्सा लेने लेई अपना पंलीकरण करोआया ऐ।

<><><><><><><>

Mahakumbh

प्रयागराज च कल पौष म्हीने दी पुण्या पर पैहले अमृत स्नान कन्ने महाकुंभ शुरू होग। इस भव्य आयोजन लेई सब्बै तैआरियां पूरी करी लैती गेदियां न। आकाशवाणी संवाददाता दी

जानकारी मूजब घने जंगल विकसित कीते गे न तां जे महाकुंभ व औने आले श्रद्धालुएं लेई शुद्ध हवा ते स्वस्थ वातावरण जकीनी बनाया जाई सकै।

<><><><><><>

Railway Minister

वेन्द्रीय रेल मंत्री अश्विनी वैष्णव होरें इस गल्लै पर जोर देइयै आखेआ जे बुनियादी ढांचे उत्पादकता, कनून सुधार ते समावेशी विकास च निवेश 2047 तगर भारत दे पीविकख गी आकार देने लेई मते कारी दा साबत होग। ओह कल पुणे पब्लिक Pdky Destval दे समापन सत्र च बोला करदे हे। अपने संबोधन च वैष्णव होरें पॉवर पोआंट प्रेसनटेशन राएं दर्शकें कन्नै गल्लबात कीती जिंदे च विकसित भारत दे चार स्तंभें पर ध्यान दित्ता गेआ। उनें दूर संचार क्षेत्र च केन्द्री सरकार आस्सेआ कीती गेदी तरक्की उप्पर बी लोह पाई।

<><><><><><>

Cricket

भारत नै 22 जनवरी थमां इंग्लैंड खलाफ होने आली टी-20 श्रृंखला लेई टीम दी घोषणा करी दित्ती ऐ। टीम इंडिया सूर्य कुमार यादव दी कप्तानी च खेडोग। भारत दे दिगगज गेंदबाल मोहम्मद शमी दी टीम च वापसी होइ ऐ। जिसलै जे संजू सैमसन, अभिशोक शर्मा, तिलक वर्मा ते वरुण चक्रवर्ती गी बी टीम च शामिल कीता गेआ ऐ। अक्षर पटेल इस श्रृंखला च टीम दे उपकप्तान होंगन ते हर्षित राणा ते अर्शदीप सिंह बी टीम इंडिया दा हिस्सा होंगन। आर्दिक पांडेया, रिकू सिंह, नितिष कुमार रेड्डी, रवि बिशनोई, वाशिंग्टन सुंदर ते ध्रुव जुरेल बी भारतीय दल दा हिस्सा न।

<><><><><><>